

日本源流考卷五終  
日本源流考卷六

臣王先謙撰集

淳和天皇

唐書日本傳次淳和

宋史日本傳次淳和天皇紀年代

日本史淳和天皇諱大伴桓武第三子嵯峨弟也母贈皇太后藤原氏延麻五年生初為親王二十二年敘三品任兵部卿大同三年遷治部卿宏仁元年轉中務卿九月立為皇太弟十四年四月庚子嵯峨傳位於皇太弟累辭不允壬寅立皇子恆世王為皇太子嵯峨之志也恆世王固辭於是立嵯峨之子正良親王為皇太子丁未詔曰詳觀列代緬鑑前王或因事以別名或乘時而異號太上天皇利見踐麻執象修機文教與鵬翼齊飛武功將日車並

運樂推之望幽顯猶深謳歌之誠華夷未已爲而不恃成而弗居  
織芥紫宸錙銖黃屋弛擔四海高謝萬邦遂乃抑損天皇之號俯  
同人臣之例稽諸往古未有前聞論之當今實非通式名不正則  
言不順言不順則事不成聖人無名雖絕言象稱謂之義非無故  
實宜上尊號爲太上天皇皇太后曰太皇太后皇后曰皇太后元  
案是時無皇太后蓋指桓辛亥卽位於太極殿時年三十八右大  
武藤原皇后乙牟漏也臣兼左近衛大將藤原冬嗣如故夏五月甲寅朔詔追尊皇妣藤  
原氏曰皇太后癸酉詔曰乾坤交泰庶品賴其仁雲雨行施羣生  
仰其澤故提衡御極握契登樞莫不因時而布恩應天而分惠也  
朕居纘戎之業有若馭奔受光啟之符無忘履薄懼八政之或舛  
憂一物之未安務存含育情深施生今盛德在火長養應期思迪  
順陽之令範以播乘時之沛澤其曾綱及京畿諸寺僧尼習行有  
聞并年八十已上宜量賜物但諸國僧尼百歲已上穀人四斛九  
十已上三斛八十已上二斛天下高年者百歲已上三斛九十已  
上二斛八十已上一斛其五位已上子孫年二十已上者特敘當  
蔭之階力田超眾者敘爵一階孝子順孫義夫節婦表其門閭終  
身勿事六月己丑追冊故妃高志內親王爲皇后冬十月癸卯召  
僧長慧勤操空海等於清涼殿行大通方廣之法是歲渤海來貢  
甲四天長元年日本史春正月乙卯改元三月丁巳詔曰朕以不  
辰天幼罹衰疾未奉懷袖之教已違勤斯之恩歲月崢嶸其積久音  
塵渺邈不能逮瞻紫極以摧屠望白雲而隕越雖慎終之道禮制  
有限而追遠之悲胸襟無洩五月四日者皇太后昇遐之日也何  
鄰忌辰違恣良遊五月之節宜從停廢雖然過絕窺覲理資武備  
防閑姦宄實屬戎容思欲依舊事以閱人徒是則居安慮危之道

也卿等宜眾議奏聞己亥公卿覆奏立功播氣羣生莫貴乎人紫極提衡聖德詎加於孝伏惟皇帝陛下情深罔極事切終身對凱風以無忘瞻寒泉而永慕爰臻忌月停此娛遊凡厥羣臣不任悽感但馬射之道於武尤要冀北龍駒不調則難馭山西狡臂資習而增奇九月九日者所謂重陽也龍沙廣宴之辰馬臺高賞之序風至時涼馬肥人暇古之王者多以茲日有觀馬射伏望乘此良節以臨射宮臣等請奉詔付外施行是春大旱夏六月己亥始以僧義真爲天臺座主秋七月甲寅先上天皇崩己未葬平城天皇八月丙申公卿奏陳六條曰人主發號施令必奉天時政化不逆時則風雨應候災害不生尚書曰野無遺賢萬邦咸寧又曰任賢勿貳去邪勿疑宜舉賢德去邪枉當今諸國牧宰欲崇治聲則向於法律不得馳騫邦國珍穉職此之由宜妙簡情公美才以任諸國守介其新除者特加引見喻以治方其反經制宜動不爲己者須從寬恕無拘常法古者分遣八使巡視風俗考治否問疾苦以舉善彈違宜遣巡察使於諸國考國守治否焉而國守良者不易多得得一良守則宜令兼帶數國小大之政從其所請一兩僚屬亦依請任之而祿不厚則人不勸人不勸則治不立若其公廩者攝國之中擇其殷阜以二守分給之試諸一國明知治否然後令兼之諸氏子孫宜令咸入太學習讀經史學業足用量才授職從之

乙敬宗寶 天長二年日本史秋閏七月壬辰以江南四郡復隸攝  
巳麻元 津八月丁亥置畿內七道巡察使冬十一月庚午置施藥院使丙  
申賀太上天皇四十算御賀始於此渤海來貢

丙二 天長三年日本史九月庚午始改上總常陸上野三國守稱

太守以親王爲之冬十二月百官以慶雲見表賀詔曰朕以菲薄  
嗣膺丕基踐冰兢兢馭朽孜孜膏澤不浹於黎庶風化莫澄於寰  
區克己惕懷未知攸濟今見公卿表賀慶雲之瑞朕德行無圓慙  
以感物道化有缺何用動神但惟俊乂百工存職匪懈雖雲芝不  
效慶有餘焉萬民不贍帝則未順雖麟鳳在野吾猶懼矣自顧庸  
虛何用慶賀朕不敢當辛酉公卿再奏賀詔赦天下

丁文宗太  
未和元

天長四年日本史春正月丁丑置畿內校田使二月戊

午立正子內親王爲皇后五月庚辰詔中納言良岑安世東宮學  
士滋野貞主等撰經國集冬十月癸卯置甲斐牧監戊申御紫宸  
殿賜宴七月至是月地震殆無虛日或有聲如雷十一月辛未  
敕諸國修文殊會和漢年契文德帝主

戊二天長五年日本史春三月壬子大中臣春繼坐射殺萩原王  
流於伊豆夏五月丁未京師大雨山崩水溢漂損人畜遣使賑給

之

乙三天長六年日本史夏五月敕諸國造水車

庚四天長七年日本史夏四月詔曰朕以菲昧祗膺瑤圖寅畏三  
靈憂勤四海景化未孚皇猷尙鬱咎徵之責不招而臻如聞出封  
國地震爲災山河致變城宇頽毀人物損傷百姓無辜奄遭非命  
誠以政道有虧降斯威譴朕之寡德慙乎天下靜念厥咎甚倍納  
隍夫漢朝山崩因修德以禳災周郊地震感善言而弭患然則克  
己濟民之道何不師古哉所以特降使臣就加存撫其百姓居業  
震陷者使者宜與所在官吏議量免當年租調並不論民夷開廩  
賑之葺修居宇勿使失職壓亡之徒早加葬埋務施寬恩式稱朕  
意冬十月大納言藤原三守等上新撰格式

辛亥 天長八年日本史秋八月乙亥召阿波守善道眞貞主稅頭  
安野眞繼直講菊田種繼等論三傳三禮義敕東宮學士滋野眞  
主等撰祕府略和漢年契光孝帝生

壬六 天長九年日本史夏四月癸酉行幸紫野院名院曰雲林亭  
丙子皇后幸雲林亭觀農桑賜物於執役男女

癸七 天長十年日本史春正月辛巳天皇將讓位遷居西院乙酉  
讓位於皇太子尊號曰太上天皇天皇辭之仁明帝不從以嗟  
哦太上皇在故稱天皇曰後太上天皇承和七年五月不豫辛巳  
顧命曰予素不尙華飭况擾耗人物乎斂葬之具一切從薄葬畢  
釋纓莫煩國人送葬之辰宜用夜漏追福之事固須儉約又國忌  
者雖義在追遠而絆苦有司又歲竟分綵號曰荷前論之幽明有  
煩無益並須停之夫人子之道遵教爲先奉以行之不得違失又  
曰子聞人沒精魂歸天而空存冢墓鬼物憑焉終乃爲崇永貽後  
累宜碎骨爲粉散之山中中納言藤原吉野奏曰昔菟道稚彥皇  
子遺教碎骨散棄後世效之然是親王之事而非帝王之跡不起  
山陵古所未嘗聞也山陵猶宗廟也若無宗廟臣子何所仰止天  
皇曰予氣力綿憊不能論決卿等宜奏嗟峨聖皇以仰裁耳癸未  
崩於瀍和院年五十五諡曰日本根子天高讓彌遠尊火葬於乙  
訓郡物集村遵遺詔停裝東山作養民等司不置國忌陵戶不列  
荷前碎粉御骨散太原野西山嶺上稱曰瀍和天皇又曰西院帝  
天皇嘗問僧道昌曰帝王殺生之罪孰與臣下對曰帝王重臣下  
輕小僧每見虜人供御者割鮮數十一御之費多兼飛走所羞雖  
少所殺亦多故其罪重至於臣下則不然山澤有禁不聽縱獵弋  
釣所獲纔資口腹故其業輕天皇曰善自是省遊虞緩山澤之禁



又后高志內親王

桓武后藤原乙牟漏女

正子

嵯峨女

女御永原氏橘氏子

從三

位承名女

尚藏緒繼女王大中臣安子

從四位上淵魚女

大野鷹子

左近衛中將眞雄女

橘船子

從四位上淨野女

丹墀池子

從五位上門成女

清原春子

右大臣夏野女子五高

志生恆世親王正子生廢太子恆貞恆統親王基貞親王安子生

良貞親王

仁明天皇

唐書日本傳次仁明

宋史日本傳次仁明天皇

年代

日本史仁明天皇諱正良嵯峨第二子也母皇后橘氏以宏仁元

年生焉初爲親王十四年四月淳和受禪立爲皇太子嵯峨作書

辭之淳和不從天長十年二月乙酉淳和帝詔傳位皇太子固辭

不聽天皇乃謁嵯峨太上天皇及太皇太后於冷然院還御東宮

丁亥詔立恆貞親王爲皇太子淳和再辭天皇不聽上表請上尊

號淳和再辭不從上尊號爲太上天皇皇太后曰太皇太后皇后

曰皇太后癸巳卽位於太極殿時年二十四左大臣藤原緒嗣右

大臣兼左近衛大將清原夏野權中納言兼右近衛大將藤原吉

野並如故夏四月戊寅詔曰雞觀之上日照先被龍輅所過恩典

便降嵯峨院者先太上天皇光臨之地茅宮聳構分東洛之名區

芝蓋駐蔭追汾陽之高賞宣遊斯在引年其深然則當邑之毗須

霑慶幸近壤之戶豈無優恤時維長歲方深亭育思順天序式施

惠澤山城葛野郡貧民去年借貸未入者及雜賦未進等宜特免

之是日制五月節復用五日十二月右大臣清原夏野上令義解

甲寅

承和元年日本史春正月改元庚午以參議藤原常嗣爲遣

唐持節大使彈正少弼小野篁爲副使秋八月丁亥先太上天皇

遷嵯峨院

乙卯承和二年日本史春正月鑄承和昌寶錢三月太宰府言壹岐島遙居海中地勢隘狹若有外寇難以應急請發土民三百二十人常戍要害許之夏四月丙子敕曰象著損上禮存靈儉王者則之古今合契朕雖菲昧跂予思齊去秦就約夙關情慮如今所有朕之兒息除親王之號賜朝臣之姓先太上天皇不恩罔極玄澤更加不令別姓冒以源氏使與曾枝而同蔭其璿派而混流其前號親王仍舊不改同母後產猶復一例等制準宏仁五年天長九年兩度敕書宣告中外咸俾聞知己卯敕天下修文殊會秋七月丁巳御紫宸殿始令正四位下菅原清公侍讀後漢書

丙開成承和三年日本史夏四月壬辰天皇御紫宸殿賜宴遣唐大使藤原常嗣等詔羣臣五位以上賦詩餞之秋七月太宰府驛

奏遣唐使船遭風漂回

丁巳承和四年日本史春三月遣唐使發秋七月太宰府馳傳言遣唐使遭風而回

戊三承和五年日本史夏六月令太學助教直道廣公讀羣書治要秋七月遣唐使自太宰府發冬十二月流遣唐副使彈正少弼

小野篁於隱岐

冊府元龜文宗開成三年十二月日本國遣使來朝貢進真珠絹舊唐書日本傳開成四年又遣使朝貢

唐書日本傳仁明直開成四年復入貢

宋史日本傳當開成會昌中遣僧入唐禮五臺年代

又開成四年又遣使來貢此與其所記皆同謂年代

又唐永徽顯慶長安開元天寶上元貞元元和開成中並遣使入

朝

元史日本傳其土疆所至與國王世系及物產風俗見宋史本傳日本爲國去中土殊遠又隔大海自後漢歷魏晉宋隋皆來貢唐永徽顯慶長安開元天寶上元貞元元和開成中並遣使入朝

案三年四年卽一役也各就其所見之時記之又次年卽會昌元年矣

己未承和六年日本史春三月流遣唐知乘船事件有仁麻請益

刀岐雄貞麻畱學生佐伯安道天文畱學生志斐永世等於佐渡夏四月轉讀大般若經於八省院以祈雨諸司醋食三日秋七月令畿內國司勸種蕎麥九月甲午持節大使藤原常嗣還自唐已

亥敕停諸國國分寺最勝王經會吉祥悔過修之國廳以爲恆例

庚申承和七年日本史春三月壬午分遣六衛府搜捕京中竊盜

乙未敕頃者風俗澆漓凋敝相屬自今以後女所服裳夏之表紗冬之中裙不論貴賤一切禁斷一裳之外不得重著宜從儉約夏

四月癸丑灌佛於清涼殿灌佛始於此丁卯頒行改正格式五月

癸未後太上天皇崩戊子葬淳和天皇壬辰公卿奏請易服臨朝甲午詔曰吳穹不弔後太上天皇登遐龍髯之駕方遙鳳紉之行

靡反朕甫鍾煢疚痛結荒衿懷荼蓼以纏悲制苴菜而展禮夫愼終追遠自有通規以日易月唯稱權變而葬訖釋縗載在遺訓羣

卿之議理當有從故今節中情以從權奪宜告中外俾知此意戊戌天皇除服臨朝丙寅以年荒振贍公卿奏請減五位已上封祿

不聽壬申公卿又奏請於是有敕許減三位以上食封四分之一十二月太宰府言新羅張寶高私遣使獻方物卻之

辛酉武宗會承和八年日本史夏四月壬寅敕神明之感非信不通

西昌元

考六仁明



帝王之功非道何達宜令五畿內七道諸國國司講師相共齋戒於部內諸寺轉讀金剛般若經庶使紫宸增寶算之長赤縣絕天折之患風雨調適年穀豐登冬十一月丁酉朔日南奎公卿表賀丙辰赦詔賦象不忒九玄施仁與物為春一人救世故功高振古軒昊之化允諸事美遐年助華之業逾峻朕以寡昧忝臨黎苗撫事思憊每深懷抱迺者有司奏言今年十一月朔旦冬至當天統之嘉數發無疆之不基歷駕說而希聞佇上德而演貺夫乾鑿玄遠必感聖奎自顧菲虛何入靈瞻思與天下共斯休祉庶施愷澤於萌俗答嘉貺於昊穹十二月甲申左大臣藤原緒嗣等上日本後紀丁亥渤海來貢

壬二 承和九年日本史秋七月丁未太上天皇崩準據遺詔停百

官及五畿七道諸國司素服舉哀戊申葬嗟哦天皇已酉春官防帶刀伴健岑但馬權守橘逸勢等謀反發覺令六衛府固守宮門

分遣右近衛少將藤原富士麻呂右馬助佐伯宮城捕之乙卯詔

廢皇太子尊大納言藤原愛發職安置京外貶中納言藤原吉野

太宰權帥參議兼春宮大夫文室秋津出雲員外守庚申流橘逸

勢於伊豆伴健岑於隱岐

恆貞傳恆貞幼岐嶷能讀經史頗屬文嗟峨奇之仁明受禪立為皇太子擇小野篁春澄善繩為東宮學士清和累書為辭儲貳仁明不聽恆貞容貌端嚴威儀閒雅仁明以為非常之器恆貞始朝於紫宸殿拜舞昇殿敕賜御衣受之拜舞而退時九歲其禮容如老成人既而始讀孝經賜公卿宴恆貞嘗從容奏曰皇太子釋奠於太學是舊儀也此禮久廢未知所以也仁明曰昔者天平末大臣吉備真吉勸高野天皇幸太學行此禮其後八十餘年廢而不行今太子心存興復甚可嘉即敕恆貞率百官修禮博士講經命羣僚賦詩恆貞亦製詩菅原清公滋野貞主等甚賞焉各獻長句以勸勵之承和五年十一月冠於紫宸殿詔曰皇太子恆貞風標峻元稟溫文毓問東華守器上序離幼從長日以躋昇今月休辰肇備元服義兼四禮道重三加盛德以之克融承祧由其逾赫嘉慶之事豈獨在予宜洽愷澤被之率土賜天下為父後者六位已下爵一級承和四年以往言上租稅未納咸從免除大赦天下恆貞才慧日新深達世事自以為身非眾嫡而居儲宮若兩太上天皇晏駕之

後禍機難測乃令春澄善繩作表冀效太伯劉彊以避賢路不許  
嗟峨深加教督恆貞見大夫文室秋津亮藤原貞守等歎曰孤屢  
輸青蒲之款未蒙蒼昊之恩諸君柰孤身何語竟涕泣七年清和  
崩九年嗟峨崩及伴健岑等謀反發覺恆貞恐又抗表辭位仁明  
優答曰健岑反計為太子發仁明信之會上避暑冷然院恆貞從  
書曰健岑反計為太子發仁明信之會上避暑冷然院恆貞從  
救左近衛少將藤原良相率近衛四十人圍太子直曹奪其帶刀  
等兵仗張幄於右兵衛陣下散禁坊司等百餘人雜色以下於左  
右衛門陣縛藤原愛發藤原吉野文室秋津分幽院中詔廢太子  
愛發等貶黜有差初圍直曹也恆貞晏然和暢謂人曰吾以非分  
荷此重任禍之萌兆早自知之故數年以來欲謝諸君不罹此敗  
而不忍離背以招憂患豈非天乎尋遣參議正躬王監送恆貞於  
涪和院於是降為親王恆貞願左右曰幸脫重負乃往院東亭子  
世稱亭子親王自是專歸佛妃嬪不復進御恆貞令聞夙著天下  
屬望一旦廢非其罪朝野悲之嘉祥二年敘三品遂為僧改名恆  
寂持戒精進貞觀二年施其莊牧數十所於大覺寺造佛像寫經  
論安之又施定額僧十四口香鑿齋飯之資初受史傳於春澄善  
繩大江音人五經於中原月雄後受顯密祕要於僧真如道昌皆  
究其奧尤妙草隸時兩太上皇工書論者曰嗟峨勁筋乏肉涪和  
豐肉輒筋惟恆貞筋肉雙奇肥瘦得適又善鼓琴盡得高橋文室  
麻呂曲調文室麻呂每曰曲折宛轉者勤習之功也敬以傳之音  
律清雅者自然之妙也誠所不及初恆貞入歲猶養在內裏嗟峨  
聞其好音召令彈琴因親授羽調易水曲恆貞學畢請問其所起  
嗟峨曰昔者荆柯為燕太子謀欲刺始皇感涕淚交頤其曲也  
去無復反顧事竟不成刺死後人寫之七絃乃此曲也恆貞曰此  
非正聲臣不欲學嗟峨悅貽書涪和曰親王非唯知音亦能知言  
帝亦悅辱於所生也時人歎服元慶八年天子遜位於陽城院大  
政大臣基經屬心於恆貞率左大臣源融右大臣源多陳推戴之  
志恆貞泣曰內經有厭王位而歸佛道者未聞謝沙門而  
貪世榮者此邪緣也不食數日乃允是年九月薨年六十 八月乙  
丑詔立皇子道康親王為皇太子戊子詔曰百城煙峙振綱紀者  
歸乎牧千里風行班章條者待乎宰是以懸衡御宇握鏡臨圖欲  
廣雍熙之功必資循良之吏朕以虛寡懋惟帝績割珪符以責成  
分憂之職攸憑紆銅墨以推最求瘼之寄斯在而朝章難副國憲  
易纏躬不率正私顧之謗滋興職乖恪居公方之節已墜單父之  
民未感絃歌清河之吏屢陷徽纆劾狀盈閣已洽斷文載車不勝  
近緣大行天皇聖躬不豫敷暢鴻恩洗滌塵穢而有司執奏不在  
赦限朕悲夫春枯之樹雷蟄之蟲或身歸農野撫華髮而惕慮或

志在名節望榮路而絕思此之可愍蓄於素懷宜令承和九年八月二十七日以前外吏秩滿未得解由者已言上未言上咸悉原免承和二年以往雜米雜穀及五年以往雜交易等並皆停之  
癸三 承和十年日本史夏五月置萬花會萬燈會於元興寺立爲恆例六月戊午朔令正六位上菅野高年讀日本紀於內史局冬十二月丙子從五位上文室宮田麻呂謀反覺流之於伊豆

甲四 承和十一年

乙五 承和十二年

丙六 承和十三年日本史春三月庚戌敕五畿內諸國徵錄所在

皇清冬十月乙未敕天下修佛名懺悔立爲恆式

丁宣宗大 承和十四年日本史夏五月乙亥先是天皇受莊子於

文章博士春澄善繩是日設竟宴於清涼殿辛卯召春澄善繩於

清涼殿讀漢書

戊一 嘉祥元年日本史以獲白龜改元渤海來貢

己二 嘉祥二年日本史春正月以去年天下洪水秋稼不稔廢朝

冬十二月太宰府驛奏豐後權守登美直名謀叛閏月巡省京城

賑給貧窮者至囚獄司詔免罪人羣臣皆呼萬歲

庚四 嘉祥三年日本史春二月庚戌朔天皇不豫甲寅大漸召皇

太子及大臣於牀下受遺制遣使誦經諸寺奉馬於鴨松尾等名

神放鷹犬籠鳥修延命法於梵釋寺造續命幡懸十二大寺刹召

僧加持是日諸衛府警固丙辰遣參議藤原助右馬頭藤原春津

等於柏原山陵禱疾戊午分遣內豎誦經諸寺己未遣使賑恤京

師貧民壬戌誦經七寺甲子轉讀大般若經於紫宸殿三日又修

文殊八字法於仁壽殿辛未召僧實敏明詮光定圓鏡等於清涼

殿講論法華經三日天皇隔簾聽之丙子遣使誦經京城及平城  
四十九寺懸續命幡四十旒修延命法三日又命眞言僧徒修護  
摩法於豐樂院三月癸未轉讀大般若經於紫宸殿三日丙戌遣  
使誦經京畿及近江丹波等一百寺圖畫帝釋像一百鋪安置各  
寺戊子遣使誦經京城七寺己丑受永不殺生戒於僧道詮等修  
理破壞寺院一百所遣使誦經十三大寺甲午天皇彌留左右檢  
非違使獄囚除盜之外悉從放免乙未馳使誦經諸寺丁酉修七  
佛藥師法於清涼殿懸七佛像於簾前立七重輪鐙於庭中度僧  
十人於紫宸殿南庭先是有詔度五百人是日天皇落飾受戒己  
亥天皇崩於清涼殿年四十一葬於紀伊郡深草山陵諡曰仁明  
天皇世稱深草帝置國忌齋於東寺遺制薄葬以帛布代綾羅停  
鼓吹方相又后藤原順子左大臣藤原澤子 紀伊守藤原女御滋野繩  
子參議貞藤原貞子 右大臣藤原更衣紀種子正四位三國氏藤原賀  
登子肥前守福藤原小重子 從五位下高宗女王 從四位上百濟  
永慶從五位上山口氏子十四順子生文德帝澤子生成康親王  
光孝帝人康親王繩子生本康親王貞子生成康親王紀種子生  
常康親王三國氏生貞登賀登子生國康親王山口氏生源覺又  
源多源冷源光源效並失母氏

文德天皇

唐書日本傳次文德

宋史日本傳次文德天皇當大中年間年代

日本史文德天皇諱道康仁明長子也母皇太后藤原氏號五條  
后天長四年八月生初爲親王承和九年皇太子恆貞廢立爲皇  
太子嘉祥三年春三月己亥仁明大漸遺詔皇太子柩前卽位既

而帝崩皇太子退御宜陽殿東庭休廬左右近衛少將各一人率  
近衛等陣於休廬左右大臣率諸卿及少納言左右近衛少將等  
獻神璽寶劍符節鈐印等即日駕移東宮雅院癸卯葬仁明乙巳  
公卿上言施事天下猶稱令旨恐於視聽有所疑請改令爲敕不  
許四月庚戌公卿上奏勸進卽位至是凡三許之癸丑天皇公除  
百官吉服甲子天皇卽位於太極殿時年二十四左大臣兼左近  
衛大將源常右大臣兼右近衛大將藤原良房並如故尊所生女  
御藤原氏爲皇太夫人乙丑宣詔內外曰易月之制雖據舊章臣  
子之道須存心喪宜命有司期年之內禁宴飲作樂著美服夏五  
月辛巳太皇太后橘氏崩壬午葬嗟峨皇后秋七月庚辰備前獻  
白龜乙酉石見獻甘露八月丙辰公卿表賀天皇謙讓不當甲子  
羣臣又奏賀敕曰朕躬在太喪事委家宰德未動近化何覃幽而  
今白龜甘露之祥並至卿等表賀朕之菲虛自知不堪夫無災而  
憂著自前蹟恃瑞而凶非無往鑒陳賀之言非所欲聽丙寅公卿  
重表請賀瑞許之己丑詔曰乾監不測隨皇化而效靈神理非遙  
應人事而通感是以恩有所漸龜龍不祕幽贊之符德有相覃雲  
露豫彰昇平之瑞朕上遵遺制下酌羣言辭不獲免遂踐皇極然  
猶集蓼之痛彌切擠壑之慮未申譬涉大川罔知攸濟卽知天上  
甘露之淵未必爲朕而灑水中神蔡之智豈能賴朕而浮故斷尙  
書之章不聽羣臣之賀而今攝津畿服之地獲神龜而獻之僉謂  
不世之鴻符難得而廢朕重違敦請再三念之得非百神七廟之  
潛祐萬民三槐九棘之緝熙庶績之所致哉有司其擇吉日告於  
宗社夫封壇馬齒獻瑞不恆天貺攸降理須優異宜特令攝津島  
上郡勿輪今年之調美作英多郡石見安農郡備前盤梨郡並免



當年庸獲龜人村主岑成等敘從六位上賜物準例天下祝部各免其租又五畿七道諸國承和六年以往調庸未進咸從免除冬十一月丙申詔紫極高映運亨毒而不言黃屋尊居播惠愛而無恃故勛華繼躅未隔於勤勞禹履垂風猶同於含育朕忝奉先訓虔撫令圖滄茶蓼以銷神睠烝庶以剡思而今至誠不暢小信未孚陰德憊和柔祇告譴出羽州壤偏應銅龍之機邊府黎毗空被梟禽之害邑居震蕩蹈厚載而不安城柵傾頽想艱虞而益恐咸須子視或至於死傷獨非母臨何懈於拯救宜馳星使就展恩光其被災尤甚不能自存使國司商量蠲免租調并不問民狄開倉廩貸振其生業莫使重困崩牆毀屋之下所有殘屍露骸官爲收埋務申優恤庶俾委凍者知挾纊之溫阻飢者得廩牢之飽戊戌立皇子惟仁親王爲皇太子

辛未仁壽元年日本史夏四月丁卯召從四位下春澄善繩於北殿講文選庚午詔曰體元居正陽秋之格言去故成新易象之玄訓是以皇流異派帝寶分暉莫不改正朔以垂風變徽章以演化者也朕以不敏嗣奉鴻基諒陰之禮已經惻怛之情獨切但逾年以後日月推移不率舊章恐招新議去年卽位之初頗得白龜甘露之瑞朕之不德推而不居而聽於公卿告之宗廟方今純陽布德萬物成文宜顧靈應於往時變年紀於今日其改嘉祥四年爲仁壽元年日本國志以藤原良房爲太政大臣賜劍佩上殿源信爲左大臣藤原良相爲右大臣兼左大將於是三公始備舊制三公每缺員至是以擢用信故備官初帝欲立長子惟喬爲儲貳以待太子之長憚良房而諛於源信信阻之良房深德信故用之

壬申仁壽二年日本史春三月己卯敕洪範八政食居第一食貨

志云國無粟而可治者自古未聞然則王政之要生民之本唯在務農頃年諸國所告不堪佃其數居多是由國郡官司不勤地利不重民命所致甚非選擇良吏委付黎元之意也凡治田克勤則畝益三斗少惰則損亦如是其種而少惰所損尙然况廢而不耕其費更甚一畝之田可食一戶一畝不耕一戶受飢既多不耕之地何少受飢之人古者州郡官長春出行田若有不耕課而田之獲者公私半之古人至重地利如此宜下諸道令曉此情國郡司等躬自巡視修固池堰催勸耕農力者褒而錄之懈者督而趣之癸七仁壽三年日本史春二月庚辰制曰朕薰腴未施化迹仍疏恐黎氓之不親望列辟以慙德而今所生男女皆當享封爵之重疏湯沐之用思其煩費內以忸怩竊思皇祖貽厥之謀除親王之號賜朝臣之姓奕代相沿已爲成式誠宜陶聖風而長扇其源氏而混流但前號親王不在此限同母後產亦復一例慶雲之惠既無愛憎若樹之華更有濃淡蓋以域中大實在屈己以利人天下至公欲損上以益下普告中外咸俾聞知

冊府元龜宣宗大中七年四月日本國遣王子來朝獻寶器音樂帝謂宰執曰近者黃河清今又日本國來朝朕愧德薄何以堪之因賜百寮宴陳百戲以禮之

杜陽雜編大中中日本國王子來朝獻寶器音樂上設百戲珍饌以禮焉王子善圍棋上敕顧師言待詔爲對手王子出楸玉局冷暖玉棋子云本國之東三萬里有集真島上有凝霞臺臺上有手談池池中生玉棋子不由製度自然黑白分焉冬溫夏冷故謂之冷暖玉又產如楸玉狀類楸木琢之爲棋局光潔可鑒及師言與之敵手至三十三下勝負未決師言懼辱君命而汗手凝思方敢

落指則謂之鎮神頭乃是解兩征勢也王子瞪目縮臂已伏不勝  
回語鴻臚曰待詔第幾手耶鴻臚詭對曰第三手也師言實第一  
國手矣王子曰願見第一曰王子勝第三方得見第二勝第二方  
得見第一今欲躁見第一其可得乎王子掩局而吁曰小國之一  
不如大國之三信矣今好事者尙有顧師言三十三鎮神頭圖

甲八

齊衡元年日本史夏四月丁卯自梨下院御冷然院庚辰尊

皇太后曰太皇太后皇太夫人曰皇太后冬十一月辛亥晦詔曰  
上稽帝載下酌皇流莫不鍾靈貺以開元割神符以改號者近來  
石見國上禮泉味寫濁醪狀凝芳醴朕之不德何敢當之蓋是宗  
社降靈俊父在官之所致豈其爲身有顛辭乎有司宜擇吉日告  
宗社改仁壽四年爲齊衡元年授位賜物準例冀欲使曠代禎符  
及萬邦以共慶隨時德政逐五帝而齊衡

乙九

齊衡二年日本史春正月丙申陸奧奏奧地俘囚殺傷同種

事須警備尋發兵討平之二月丁卯詔右大臣藤原良房參議春  
澄善繩等修國史是歲地連震

丙十

齊衡三年日本史秋七月甲子詔試諸沙彌讀經及第者聽

度冬十月壬寅天皇受晉書於刑部大輔春澄善繩辛酉遣權大  
納言安倍安仁等於後田原山陵告將配天甲子遣大納言藤原  
良相祀天於郊野圓丘

丁十一

天安元年日本史春二月己丑詔曰玄穹質暗效珍符而不

言皇王至公代神工而布德緬尋前載由來尙矣朕以寡昧纘守  
洪基垂拱巖廊如履冰谷勞形育物亭毒之仁未弘展敬奉天貴  
徹之誠或缺不知幽顯有何感通去歲冬中景貺薦委美作國貢  
白鹿一頭色均霜雪白絕毛羣性是馴良足稱仁獸不因仙馭來

在彤庭重彼遐齡毓於靈囿常陸國上言生連理樹一一郡山裏  
兩處森然分根合幹異體同枝或相連其間一丈餘尺或交柯之  
上更挺好姿斯皆書緹史而可傳稽瑞圖而有慶朕之菲虛非可  
能致唯由宗社垂祐股肱叶贊今欲鍾此休徵不享獨美施之惠  
澤徧及萬方宜免美作常陸二國百姓當年徭役二十日就中瑞  
祥所出重以優矜苦田郡調眞壁郡庸今年可輸者並皆免之復  
諸國今年徭半文武官授爵一級天下老人賜穀鰥寡孤獨不能  
自存者量加賑恤夫隨時紀號邦國之恆規因瑞建元古今之通  
典宜改齊衡四年爲天安元年夏四月庚寅復近江相坂關新置  
大石龍華二關六月庚寅太宰府上言對馬島上縣郡擬主帳卜  
部川知麻呂下縣郡擬大領直浦主等相率焚守立野正岑宅射  
殺正岑及從者防人秋七月辛亥下制太宰府宥對馬島民爲賊  
所誣誤及無罪死獄者妻子

戊寅天安二年日本史春三月丙子令相模介滋野安成講老子  
莊子於侍從所夏五月壬午大雨洪水河溢橋壞東堀川水入冷  
然院左衛門陣直廬漂流左右京溺死者多秋八月乙卯天皇崩  
於新殿年三十二葬眞原山陵殯葬之禮亦如仁明故事但有方  
相氏諡文德天皇後改陵名曰田邑置守陵四戶世稱田邑帝貞  
觀二年置國忌於西寺天皇畱心政事性甚明察專思昇平之化  
不好巡幸遊覽仁壽齊衡之間禁網漸密憲法頗峻官署屢聞遷  
除之事吏人還懷廢罷之憂天下以比漢明帝而聖體羸病頻廢  
萬機在位不長時人惜之日本國志委任外戚又后藤原明子太  
大臣良女御藤原古子左大臣東子女王藤原年子藤原多可幾  
房女子右大臣良藤原是子更衣紀靜子正四位下滋野岑子攝津守  
子相長女

滋野奧子

參議貞主女

藤原今子

參議貞守女

藤原列子

從五位上是雄女

伴氏多

治氏清原氏菅原氏布勢氏子十二明子生清和帝靜子生惟喬親王惟條親王奧子生惟彥親王今子生惟恆親王岑子生源本有源載有伴氏生源能有多治氏生源每有清原氏生源時有菅原氏生源定有布勢氏生源行有

清和天皇

唐書日本傳次清和

宋史日本傳次清和天皇

年代紀

日本史清和天皇諱惟仁文德第四子也母藤原明子號染殿后嘉祥三年三月癸卯生帝於外祖右大臣良房一條十一月立為皇太子天安二年秋八月乙卯文德崩丁巳遷御東宮諸衛擢甲警備九月甲子葬文德甲戌天皇公除百官吉服冬十一月甲子即位於太極殿時年九歲尊所生藤原氏為皇太夫人太政大臣良房左大臣源信右大臣兼左近衛大將藤原良相大納言兼右近衛大將安倍安仁並如故壬申詔改中宮職為皇太后宮職十二月丙申始定十陵四墓丁酉改真原陵為田邑陵

已十貞觀元年日本史夏四月庚子詔曰朕聞自古體元居正者雖運殊根英事別沿革莫不改正朔變徽章以易民之視聽也故能皇派不測萬朔酌而不厭帝系無涯千載沿而無際方今春恩已達夏德為敘眾鳥調翼而始飛百花成實而新結見候物之如此知開元之所宜其改天安三年為貞觀元年將使皇猷正一被羣品以用全寶麻延長均兩儀以侔遠

庚懿宗咸辰通元

貞觀二年日本史春二月辛卯天皇始讀孝經夏四月

己亥詔使天下僧尼誦佛頂尊勝陀羅尼祈國祚以為永例秋九



月壬戌風雨不止京師大水諸國海溢人畜多死冬十月甲申以馬多傷農廢大隅吉多野神二牧丁酉敕禁諸國私畋獵十一月壬辰詔曰皇天無親以萬物爲芻狗聖人無心以百姓爲耳目是以資生無涯不言之化克隆樂推不厭無爲之業長逸朕以眇眇之身託萬民之上涉道已淺乘奔危懷但賴羣公卿士盡力夤翼朕躬迺者公卿奏言今年十一月朔旦冬至得天之紀終而復始連珠映五緯而懸芒合璧疊二離而摛彩雖理關恆筭而必感至仁朕之寡德何鍾斯祥肆思與天下共同休慶赦天下徒以下罪其門蔭久絕及功才早彰者特加榮獎式暢寵章內外文武官主典已上加爵一級在京正六位上諸吏及史生以下直丁以上天下高年人等宜量賜物庶覃鴻霈於浹宇答靈眷於昊蒼十二月癸丑新修釋奠式頒下七道諸國

己卯貞觀二年日本史夏六月行宣明麻秋八月天皇始講論語冬十一月以凶猾爲盜置檢非違使於武藏等郡各一人

壬三貞觀四年日本史夏四月癸丑詔曰朕聞自古聖明之君以堯舜爲稱首然而諫鼓謗木設之於朝又俾大禹皋陶盡其謨訓蓋以萬機之盛非廣詢難以興功四海之尊非下問無以成化也朕以童丱嗣守鴻基器謝徇齊業慙迪哲實賴賢輔之保化將以拱己而仰成然運接百代之叔末時遇萬邦之凋殘卽位以還五年於茲徒聞府帑空竭經用不支貢賦逋懸吏人嗟毒未得救之之要昔神農氏世衰天下倒懸黃帝代以修德卽隆垂衣之化殷暴辛政亂百姓塗炭周興成康之時至刑措而不用是以古不常洎今不常薄唯在君臣善惡政教得失而已若能羣臣大小戮力傾心務求政美匡拂朝家訓導黎庶則國富刑清時和歲阜醜變

為樸偽反為真卽東戶季子之代亦何遠之有參議已上各宜論  
時政之是非詳世俗之得失傷化害人不便於時者節用謹度當  
利於國者並盡昌言以沃朕心勿為華飾勿有隱諱五月丁亥以  
海賊公行奪備前貢使山陽南海二道捕殺之

癸酉 貞觀五年和漢年契救撰仁明帝紀

甲申 貞觀六年日本史春正月戊子朔天皇加元服甲午尊皇太  
后為太皇太后皇太夫人為皇太后

乙酉 貞觀七年日本史春二月壬戌詔曰皇乾播德亭毒之功自  
高哲匠裁規撫臨之道斯廣是知致庶績於和平唯資惠愛驅黎  
元於富壽實在憂勞朕以庸虛恭承緒業位雖尊於宸極化未洽  
於域中所以宵衣惕慮旰食兢懷欲使四海無凶札之嗟八荒絕  
烽燧之警然素情弗顯玄感猶餘孤負靈心招以變異去冬太宰  
府言在肥後國阿蘇郡神靈池經淫雨而無增在亢陽而不減而  
今無故沸騰衍溢他縣龜筮所告兵疫為凶朕之中腸冰谷最切  
夫備德嫁禍既有前聞行善禳殃非無往鑒宜每寺薰修每社奉  
幣賴茲冥祐防彼咎徵又天安二年以往租稅未納皆勿詭責一  
從蠲除所冀至精廣被消霧露於無形潛衛旁通靜風塵於未兆  
布告遐邇俾知朕意於是官符諸國令國司講師相與齋戒禁斷  
殺生七日於國分寺定額寺轉讀金剛般若經又諸社長官潔齋  
奉幣又鰥寡孤獨不能自存者以救急義倉量給之三月敕大搜  
宮中及諸司兩京

丙戌 貞觀八年日本史夏四月辛卯下令太宰府曰迺者京師頻  
有怪異陰陽寮言鄰國之兵應有來窺宜勤警固以備不虞又謹  
責豐前長門等國司曰關司出入理用過所而今唐人入京任意

經過是國宰不慎督察關司不責過所之所致也自今以後若有  
警急必處嚴科秋八月辛卯敕太政大臣良房攝行天下之政藤  
原氏攝政始於此日本國志相門自此專權

丁亥貞觀九年日本史春二月癸未以是春饑饉畿內特甚盜賊  
羣起劫人行火令國司每鄉結保督察三月丁卯下令五畿七道  
頃年搜捕海賊督察奸盜而今如聞凶徒不絕侵盜尙繁水浮陸  
行皆憂賊害實是牧宰不勤肅清之所致也夫五家相保一人爲  
長以相檢察載在法條又容隱盜賊科罪非輕宜鄰伍之內必置  
保長察以行來詳以去就其市津要路人眾猥雜之處勤施方略  
多設偵邏募以捕獲之賞示以寬容之典使奸濫之徒無所畱跡  
子戊九貞觀十年日本史冬十二月己酉新定內外交替式成敕頒  
天下

丑己十貞觀十一年日本史春二月己丑朔立貞明親王爲皇太子  
夏四月庚子大納言藤原氏宗等上貞觀格六月辛丑太宰府言  
前月二十二日新羅海賊夜入博多津掠豐前貢絹追捕不獲秋  
七月肥後大風雨廬舍多倒人畜壓死海潮暴漲漂溢六郡田園  
數百里陷爲海八月己亥太政大臣良房參議式部大輔春澄善  
繩上續日本後紀九月辛酉頒貞觀格

庚寅一貞觀十二年  
卯二貞觀十三年日本史秋八月右大臣藤原氏宗等上貞觀式  
九月太皇太后藤原氏崩

壬三十貞觀十四年日本史夏五月渤海入貢  
辰三貞觀十五年日本史冬十一月甲戌詔曰垂鴻一德違道者  
已四貞觀十五年日本史冬十一月甲戌詔曰垂鴻一德違道者  
先亂其行麻象同天變常者乃遭其怒朕政無寒暑化負水波凌

運之運仰慙洪緒及至十一年夏旱暵甚於常時牲璧空投山澤之靈魚龍殆失淵源之府朕念而三復過在一人麤衣以待天下之溫菲食以思天下之飽而卿等推心唱和取義往來論奏一成懇誠白露遂王公減封諸臣省祿縱令率如舊制伏臘之費難支何況法損恆規朝夕之儲逾乏朕之焦思已涉炎涼如聞今茲收藏不害民庶稍休非望棲畝之餘糧蓋聞載路之多黍而已夫先王之爲政也弛於急張於緩年荒節用無節不可以存穀熟復常不復難可以贍太皇太后皇太后宮春宮坊封及服用五位以上封祿諸王季祿等往年減省之物自今以後仍舊莫減唯至朕躬德淺責深堯之冷葛舜之輕墼朕雖未窺彼垣牆而今恨其珍麗夫羣囊之器非片漆之所能堅屢空之民豈一秋之所能富朕服御常膳左右馬寮秣穀或分折或權停之類尙如前令更不加進

丁丑公卿奏請服御常膳左右馬寮秣穀並復舊許之

甲信宗乾  
午符元

貞觀十六年日本史夏六月癸酉遣伊豫權掾大神已

井等於唐市香藥禁諸國司娶部內女子秋八月庚辰大風雨折樹發屋公私廬舍無復全者眾水暴漲直衝城下壞豐財坊門橋梁人馬多漂沒冬十月戊寅詔曰朕聞哲王調序天吏於是休和睿后乘時風俗所以敦阜自朕纂業驟移寒暄澆耗之萌漸彰化育之孚難達中夜慙慙未暇欲眠去夏甘澤頻降苗稼肥好朕初謂上天錫祉黔黎之業能豐下土資腴紅粒之糧可蓄何意百年之老俄收擊壤之聲五尺之童更廢鼓腹之詠如聞諸國風水致災鄰河之鄉鼠居烏樹之上濱水之地魚行人道之中老弱沒亡不得其死田園淹損或破其生靜而思之切於軫悼夫國宰者民之父母也豈有兒子旣罹其憂父母不爲流涕者乎其屍骸漂散



不得主名者官爲鈎求加意埋掩被災郡縣免當年徭夫民之窮不能自濟者量加救賑庶使已飢之口有再飽之期不存之魂銷無聊之恨務盡恤隱之旨副朕惻然之懷

乙未 貞觀十七年日本史春正月壬子冷然院火

丙申 貞觀十八年日本史秋七月己丑參議源舒獲奇鳥獻之敕

放之北山冬十一月庚子天皇將傳位幸染殿院壬寅傳位皇太子十二月上尊號爲太上天皇元慶元年閏二月太上天皇使右大辨藤原山陰辭封戶曰王風不競國弊民亡是故褫夫袞龍愛此蘿薜豈復享太上之尊名致公家之煩費乎其封物等請悉還納三月徙居清和院三年二月辭封戶之半陽成帝上表固請又遣參議源舒於清和院奉表陳請固讓不受五月遷御攝政基經粟田院落飾入道法名素真陽成帝欲朝於粟田院乘輿既設太上

皇遣藤原山陰馳奏停之十月巡幸大和歷覽名山古寺帝遣參議左衛門督源能有率六府將曹志府生各一人近衛兵衛衛門各十人護衛太上皇太上皇悉還之四年遷御左大臣源融嗟嘸棲霞觀十一月遷御粟田山莊圓覺寺冬十二月癸未崩於圓覺寺年三十一遺詔火葬中野不起山陵使百官及諸國不舉哀不素服不置監葬諸司喪事所用一從省約七日火葬愛宕郡上粟田山置御骨於水尾山稱清和天皇天皇好讀書傳潛思釋教鷹犬之娛未嘗畱意外祖太政大臣良房攝政樞機整密國家寧靜天皇恭己仰成默握憲綱及良房薨始親政事率由恭儉承和以往天子日御紫宸殿視政事仁壽之後遂廢天皇復之當時稱之旣而藤原基經當國吏稱其職內外肅然故道前代之政者悉稱貞觀之治時有僧真雅自天皇幼冲常侍左右真雅死有僧宗叡



勸天皇結香火之緣既遜皇位常御菜蔬遂斷聲色入水尾山之  
後不御酒酢鹽豉隔二三日一進齋飯六時苦修毀瘠如削深厭  
世累欲絕膳捨身凡諸苦行無所不修及大漸命侍僧誦陀羅尼  
向西方結跏趺坐手結定印而崩宸儀不動儼然若生念珠猶懸  
在手云又后藤原高子中納言長良第二女女御藤原多美子右大臣良相女平寬  
子嘉子女王源濟子源貞子隆子女王兼子女王忠子女王藤原  
賴子太政大臣基經女藤原佳珠子賴子妹源嚴子右大臣能有女源暄子源宜子  
參議典基女更衣藤原氏神祇伯良近女在原氏中納言行平女藤原氏齋宮頭藤原  
氏木工權大允直宗女佐伯氏信濃權介子房女橘氏治部大輔體蔭女藤原氏參議仲王  
氏中務大輔棟貞王女藤原氏中納言諸葛女賀茂氏越中守峰雄女大野氏石見守鷹取女子十  
四后生陽成帝貞保親王佳珠子生貞辰親王良近女生貞平親  
王在原氏生貞數親王諸藤女生貞眞親王直宗女生貞賴親王  
橘氏生貞固親王仲統女生貞元親王王氏生貞純親王佐伯氏  
生源長鑿源長賴賀茂氏生源長猷大野氏生源長淵



